



ԾԱՅՐԱԳՈՒՅՆ ՊԱՏՐԻԱՐԺ-ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Տ. Տ. ԳԵՎՈՐԳ Զ-Ի ԿՈՆԴԱԿԸ

**ՀԱՅԿԱԿԱՆ ԲԱՐԵԳՈՐԾԱԿԱՆ ԸՆԴՀԱՆՈՒՐ ՄԻՈՒԹՅԱՆ
ՊԱՏՈՒԸՆԿԱԼ ՆԱԽԱԳԱՀ՝**

ՎՍԵՄԱՇՈՒՔ ԱՌԱՔԵԼ ՆՈՒԲԱՐԻՆ

ԿԵԴՐՈՆԱԿԱՆ ՎԱՐՁՈՒԹՅԱՆ ՆԱԽԱԳԱՀ՝

ԱՐԳՈՅԱՊԱՏԻՎ ԱՐՇԱԿ ԳԱՐԱԳԵՈՉՅԱՆԻՆ

ՎԱՐԻՉ-ՊԱՏՎԻՐԱԿ՝

ԱՐԺԱՆԱՊԱՏԻՎ ՎԱՀԱՆ ՄԱԼԵՉՅԱՆԻՆ

ԵՎ ՄԻՈՒԹՅԱՆ ՈՂՋ

ՊԱՏՈՒԱՐԺԱՆ ՈՒ ԵՐԱԽՏԱՇԱՏ ՂԵԿԱՎԱՐՆԵՐԻՆ

**ՄԻԱԾԵՆԱԷՋ Ն. ՏԱՃԱՐԻՑ ՆՎ ՆԱԽԱՄԵԾԱՐ ՄԱՅՐ ԱԹՈՈՒՅ
ՈՂՋՈՒՅՆ ՀԱՅՐԱԿԱՅՆ ՆՎ ՕՐՀՆՈՒ ԹՅՈՒՆ ՀԱՅՐԱՊԵՏԱԿԱՆ**

Ավելի քան քառասուն տարի առաջ, իմաստուն և ազնիվ նախաձեռնությամբ բազմերախտ և հայրենասեր լուսահոգի Պողոս Նուբար Փաշայի, հիմքը դրվեց Հայ Սփյուռքի մեծագույն Ազգային Հաստատության—Հայկական Բարեգործական Ընդհանուր Միության: Եզիպտոսի Բարեգործական-ի համեստ անվամբ սկիզբն առած այս հաստատությունը՝ շնորհիվ ազգանվեր հիմնադրի անխոնջ ջանքերի, նյութական զոհողության, վարչական ձիրքի, կորովի նկարագրի, բարոյական հեղինակության, շատ շանցած, դարձավ հայ կյանքի խոշորագույն և հուսադրիչ երևույթներից:

Հիշատակաց արժանի ազգանվեր Հիմնադրի շուրջը համախմբվեցին և անշահալսնդի դործակիցը դարձան անբաժան, շրջահայաց և ձեռնհաս ազգային գործիչներ, բարերարներ, որոնց համերաշխ գործունեությամբ, նյութական զոհողության պատրաս-

տակամությամբ և բարձր հեղինակությամբ «Եզիպտոսի Բարեգործականը» վերածվեց Համազգային Կազմակերպության:

Բարեգործ նվիրատուների և կտակավանդ բարերարների անսահման վստահության արժանացած Հայկական Բարեգործական Ընդհանուր Միությունը արաքայով միլիոնների կարողության, որ ամբողջապես և արդյունավետ կերպով ի սպաս դրվեց Հայ ժողովրդի և նորա կարոտյալ զավակների:

Ազգային մշակույթի պես-պես ձեռնարկություններ, ժողովրդական լուսավորության բազմաթիվ հաստատություններ, ազգային, եկեղեցական և աստուածահաճո այլ հիմնարկություններ ծնունդ առին և ապահովվեցին ի պետ և ի փառս Հայ ժողովրդի՝ շնորհիվ ազգանվեր այս մեծ Միության:

Երախտաշատ մեծ Հիմնադրի՝ Վսեմաշուք Պողոս Նուբար Փաշայի տարածած մահից հետո ևս Բարեգործականը շարունակեց յուր

արդյունավետ և ազդաշահ՝ գործունեությունը՝ հանդիսանալով Հայ Սփյուռքի ազգային-խնամատարական խոշորագույն կեդրոնը: Ընկերության վաղեմի գործիչներին և հին բարերարներին ավելացան շատ նորերը, որոնք հավատարիմ մնացին Միությանը կյանքի կոչող և ոգեշնչող հայրենասեր մեծանուն Հայի ազնիվ ավանդներին և հիշատակին:

Հայկական Բարեգործական Ընդհանուր Միության արդի ղեկավարները ևս մեծագույն եռանդով և անձնվիրությամբ շարունակում են ընթանալ նույն փրկարար շուրջով, վառ պահելով ձեր սրտում Նուբարյան ազնիվ ավանդները:

Մեծ է Ձեր երախտիքը Հայ Սփյուռքի ազգապահպանման սրբազան գործում: Ազգասիրական Ձեր այդ ազնիվ գործունեության լավագույն և նորագույն օրինակը ավեցիք այսօր ևս՝ մեծագույն ոգևորությամբ ու հաջողությամբ գլուխ բերելով մեկ միլիոն զուլարի հանգանակությունը՝ ի պետս բազմահազար հայրենադարձ հարադատների:

Ուրախալի էր մեզ տեսնել և համոզվել, որ Դուք ազգասիրական ազնվությունը և քաղաքական իմաստությունն են ունեցել կանխատեսելու, և՛ զգալու, և՛ դիտակցելու, որ Սփյուռքի Հայրենադարձն է միակ երաշխիքը անհարազատ հորիզոնների տակ դեղերոզ ու տարագիր զավակներիս փրկությանը ո՛չ միայն ազգային դիմազրկությունից, բարո-

յական դասալքումից, այլ նաև անխուսափելի ֆիզիկական կորստից: Հարյուր հազարավոր հարազատների այս Մեծ Հայրենադարձը միաժամանակ անվերապահորեն հանդիսանալու է մի նոր ու խոշոր ազդակ մեր սիրեցյալ Մայր Հայրենիքի և մեր Ազգային Պետության զորացման:

Հայկական Բարեգործական Ընդհանուր Միության հայրենասեր և ազնվամիտ այս գործունեությունը երախտադիտության ջերմ զգացմունքով է լեցրել հայրենադարձ զավակների հոգին և նորա այսօր, ազգընտիր և ալեգարդ Հայրապետիս հետ միասին, իրենց ջերմ ազդեցությունն են վերառաքում առ Բարձրալը՝ զորավիգ հանդիսանալու տակավին օտար աշխարհներում տառապող արենակիցներին, օր առաջ արժանանալու Հայրենադարձի երջանկության:

Փա՛ռք ու պատի՛վ ազգանվեր Հայկական Բարեգործական Ընդհանուր Միության և նրա հայրենաշեն ազնիվ ղեկավարներին:

Երկնային Տիրոջ Աջը հովանի լինի Միությանդ գլխին՝ առավելագույն իմաստությունամբ և ազնվությամբ շարունակելու ազգափրկության և հայրենաշինության սուրբ գործը:

Աստուածային օրհնությունը անսպառ լինի Ձեր և Ձեր սիրեցյալ գերդաստանի ու հարազատների վերայից:

Արևշատություն և երջանիկ կյանք անձնվեր Հայրենասերներին:

ԾԱՅՐԱԳՈՒՅՆ ՊԱՏՐԻԱՐԷ-ԿԱԹՈՂԻԿՈՍ

ԱՄԵՆԱՅՆ ՀԱՅՈՑ

76. . . 22